

اداره مرکزی :

آنقره ده ، استانبول جاده سنده آنقره
معارف امینکی یاننده کی دائره

استانبول بوروسى :

استانبولده ، باب عالی جاده سنده ۸۷ نوروده
دائره مخصوصه

حیات

مبارزات ما مبارزه ... دنیای راهای جوی حیات قاتلم ... !
- بجه -

نسخه سی هربرده ۱۰ غرور شر

سنگی پوسته ایله ۵ لیرا .
(اجنبی مملکتلر ایچین ۵ دولار)

ایونه واعلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آنقره مرکزیدر .

صافی : ۵۰

آنقره ، ۱۰ تشرین ثانی ، ۱۹۲۷

۲ نجی جلد

براهتفال مناسبتیه

بویوک فرانسه زطالمی «مارسه لن برتهلو» نك
طوعدینی کونك یوزنجی ییل دونومی ، علم
دنیا سنده یکیدن معظم تظاهره لر سبیت ویردی .
بشریت ، یوکسك مساعیسه علم تاریخده چوق
بارلاق برشرف صحیفه سی اشغال ایدن بویوک
عالمه قارشى بورجلی اولدینی شکران وظیفه سنی
بو وسیله ایله تکرار خاطرلادی . «صوربون» ده
بوتون مدنی ملترك اشتراکله یاپیلان محشم
مراسم ، و اونکله مترافق اولارق هر طرفده
ترتیب ایدیلن علمی احتفاللر ، اوکا عائد نشر
ایدیلن یوزلرجه مقاله لر ، اثرلر ، بوقدر شناسلغك
صریح بر افاده سیدر . پارسده مختلف ملترك
مادی یاردیملرله تمیل طاشی آتیلان «بین الملل
کیمیاوردی» ، «برتهلو» نك یوکسك خاطر سنه
اتحاد ایدیلش برشکران آبد سندن باشقا برشی
دکدر . ایشته استانبول دارالفنونیه ده ، کچن
پرشنه ، معارف و کیمزك فخری ریاستی آلتنده
ترتیب ایتدیکی احتفال ایله ، یالکز فرانسه نك
دکل بوتون انسانیتك مفاخرندن اولان بویوک
عالمه نه درین بر علاقه یله مربوط اولدینی
کوستر مشدر . جمهوریت تورکیه سنك بین الملل
علم و فکر جریانلرینه قارشى نه قدر حساس ،
نه قدر علاقه دار اولدینی بردفعه داها کوستره ن
بو واقعه ، بو کونکی اداره ایله اسکی اداره لر
آراسنده کی ذهنیت فرقنی ده پک بارز برشکلده
ایضاح ایده بیلیر .

«مارسه لن برتهلو» یالکز بویوک برکیمیا کر ،
ساده جه بوساحده اسکی تلقیلری دکیشدیرمش
ویکی حدودلر آجش بر عالم دکل ، فکر و صنعت

دیگله نه دن ، اکلنه دن کچره ن «برتهلو» ،
انسان سعینك نه لره مقتدر اولاییله جکینی اعظمی
قوتله کوستره ن بر «آبد» ، صایلا بیلیر . بو
متواضع ، بویوک روحی آدام ، هیچ بر زمان
شان و شرف آرقه سنده قوشمادی ؛ لکن کرک
صاغلغنده کرک تولومندن صوکر ، استحقاق
ایتدیکی بوتون شرفلره مالک اولدی . کشفیاتی
اوکا ماده میلیونلر تأمین ایده بیلیدی ؛ فقط
قناعتکار عالم ، مملکتک و انسانیتك نفی ایچون ،
اونلردن ده استغنا کوستردی . او ، علمك مطلق
صورتده قدرته قانع بر «پوزیتویست» ، بشریتك
استقبالده رفاه و سعادتندن مطمئن ، نیکین ،
حراندیش بر انسان ، و سیاسی عقیده سی اعتبار یله ده
تام معناسیله وطن پرور بر جمهورنجی ایدی .

سیاست و اقتصادی منفعتلر ، فردلری
و جمعیتلری چوق دفعه بربرندن آیریر ؛ لکن
علم و صنعت ، انسانیتك بو الهی محصوللری ،
انسانلرک اک اصیل و اک فراغتکار حسلرینی
تحریک ایدره ک اونلری طوپلار ، برلشدریر ؛
بویوک عالملر و بویوک صنعتکارلر ، ایشته بونقطه
نظردن ، ساده جه کندیلرینی یتیشدیره ن ملترك
دکل ، بلکه بوتون بشریتك مفاخرندن صایلا بیلیر .
انسانیت ، آنجاق بو جنس بویوک آداملرک
موجودیتی ، رهبرلکی ، مساعیسی سایه سنده
حقیقی ماهیتی ادراک ایتکده در . یالکز فرانسه
ملتک بر جوجوغی دکل بوتون بشریتك سوکیلی
اولادی اولان «برتهلو» ، ایشته بو جنس بویوک
آداملردن ، بشریت خادم لردن بریدر . حیاتی
و مساعیسی تورک کنجلیکی ایچون چوق تربیتکار

عالمك بوتون تجلیلرله علاقه دار اولان چوق
کنیش ، چوق احاطه لی برده ایدی . تحصیل
و تربیه سی ، فطری قابلیتلی ، فلسفه ، ادبیات ،
تاریخ ساحه لرنده کی واسع معلوماتی ، اونی معین
بر اختصاص ساحه سنك دار دائره سنده بو غولقدن
قورنار مشدی . کندیسندن اول بربرینه تماماً
یابانچی ایکی آری ساحه کی تلقی اولونان «معدنی
کیمیا» ایله «عضوی کیمیا» آراسنده کی فرق لری
قالدیرمه سی ، اوزمانا قدر آنجق حیاتك تشکیل
ایده بیلدیکی ظن اولونان عضوی جسملری کیمیوی
ترکیب سایه سنده وجوده کتیره بیلره ک کاشانی
یکدیگرندن آیران بولملری ییقمه سی ، شه سز ،
بودماغك چوق قوتلی بر تاریخی و فلسفی تربیه دن
نصیه دار اولماسیله قابل اولمشدر . «مارسه لن
برتهلو» مفکره سنی هیچ بر زمان لابوراتوارینك
درت دیواری آراسنده محصور بر اقایان ، و حیاتك
بوتون مسئله لرینی هیئت عمومیه سیله ادراک
واحاطه یه ، حله چالیشان بر فیلسوف ، بر متفکر دی .
یالکز کیمیا منتسبلرینك دکل ، فکر و فلسفه یله
مناسبتی اولان هر فردک بو بویوک عالمه قارشى
کوستردیکی ده رین و صمیمی علاقه ، ایشته بوندن
دولاییدر . مملکت سزده مثبت علملره اوغراشا نلرک
اکثریتله صنعت ، فلسفه یه ، تاریخ نه قدر لاقید
و - مع الاسف - حتی استخفافکار داوراندقلرینی
کورورز ؛ «برتهلو» یی بویکیلره دائماً بر نمونه
کی کوسترمك ، مملکت سز ایچون چوق مفید اولور .
«برتهلو» نك یاشامه و چالیشمه طرزى ،
تورک کنجلیکی ایچون برموده ل تشکیل ایتیلیر ؛
بوتون حیاتی علم و حقیقت عشقیله هیچ دورمه دن ،

بیوک ضربه لک طرافت و نراکتله ایندی بیلدیکی وئولولرکده علویت و نجا بته جان و بر دکلری بر (سیرق) صحنه سی کی کوروغمنکده در . بوساملر محاربه نك نه اولدینی بیلدیورلر ؛ اونی کورمه دکلری ایچون اونی حکمدارلرله برده مظفر قوماندانلرک شان و شرفنی نیجیله مخصوص اولان و غالبلری پک دلفریب اوضاعده کوستره ن تصاویر تحتند نخیل ایدیورلر . عسکری تابلولر بوغیر طبیی وصف و حال اوزون مدت محافظه ایلدیلر . انجق زمانمزدده درکه رساملر محاربه لک مهبیج صفحه لرینی ده ا زیاده حقیقت و صحت ایله کوسترمکه موفق اولشلردر .



مشهور تابلولردن

مزاراقلر

یاخود

(بره دا) نك تسلیمی

رساملرله هیکل تراشلر محاربه صحنه لرینی تصویره پک چابوق انماک ایشلردر . بوکی صحنه لر ایسه بتون صنعتلرک مبدأ و منشأند کوریلور ؛ چونکه مدنیتلرک کاهه سنده ابتدائی دورلر ، اقوام ورؤسانک مدار فخر عد ایتش و صنعتکارلرکده اجمال و تمجید ایلش اولدقلری بر دور مدافعه و فتوحات اولشدر .

نته کیم آتوریا قبارته لری بو پک اسکی قومک محاربه و محاصره لرینی مفصلاً نقل و حکایه ایدرلر ؛ مصرمنقوشاتی ده فرعونلرک واردولرینک اصول حربلری حقنده بزه غریب معلومات و بررلر . قدیم یونانیلرله رومالیلرایسه بو خصوصه دائر هیکل تراشلقده کرچکدن شاه آرلر وجوده کتیردیلر : مثلاً (پومیثی) ده بولنش اولان بر موزاشیق ، (ایوس) محاربه سنده اسکندر ایله دارایی تصویر ایدیور .

کذلک قرون وسطاده رنگلی رسملرله تذهیب و تزین ایدلش اولان یازمه کتابلر دخی عسکری صحنه لری ساده دلانه نقل و حکایه ایدرلر .

صوکره لری ایسه صنعت تکمیل ایدنجه خالیجیلقده ، حکاکلقده ، برده نقشده انسانلرک بر برینه ایندی بر دکلری ضربه لری و سواریلرله آنلرک مصادمه لرینی تثبیت ایتک ایتدیلر . الهه ایدیلن نتیجه لر ابتدای امرده پک ناتمام ایدی . ایتالیا رنه سانسک بدایتنده مثلاً آنک یورویشلرینک صحیح بر صورتده تصویر و اراشه سی کی بعض مشکلات ، آریتسلری واقعا بیلدیرمادی ایسه ده هر حالده اثرلرنده برسر نلک ، بر غیر طبیعیک وارد ؛ بوايه تعقیب ایندکلری غایبه شبهه سزمطابق و موافق دکلدی . لکن صوکره لری (لئوناردو - دا - وینچی) لر (رافائل) لر ، (تیسیانو) لرله نقش نهایت تکمیل ایتدی . مع مانیه بو بیوک صنعتکارلرک اثرلرنده بیله محاربه عادتا طنطنه لی برکچید رسمی ،

و هر خاطره سنی قلبنده صاقلایان آنقره ... واونک اطرافنده بوتون تورکیه ... تورک ملتکک بو یوک اولادینه قارشى طاشیدینی متدارلنی بو هیکلرله افاده ایتکه چالیشیور .

ماضینک خالی واستقبالک فاتحی بو یوک غازی نك هیکلنی آچارق اوکا بو طونج لرک لسانیه تورک ملتکک ابدی شکرانی سویلیورز .

افقلرینه باقییور . حرکتی دواملی بردقت ایچنده دور دور مش ، کوزلری اوزاقده ودرینه ، بر نقطه یه دالمش . قارشیمزده بکله یور .

باقدینی طرف تورک تاریخنه یکی راستقامت ویره رک و بر هدف اولارق کوستردیکی حیات عالمی ، تجدد عالمی ، غرب عالمیدر .
خاملر ، افندیلر !

باش قوماندان بوکون بزم باشمزده ، یارین وبری برینی تعقیب ایده جک عصرلرده بوتون نسللرک باشنده دائما قوماندا ایده جک .

وطن تهلککلرینه قارشى مجادله قوتلرینک دیلنده ملی شرقی اولارق سویله نه جک سوزلری بز اونک لسانندن ایشیتدک : کیجه ساعتلری بیلدیزلرک ایشیغندن ، صباحلری شفق لره آیدینلارارق و آقشاملری غروب لره طوتوشارق اویومایان بردوشونجه ، صوصایان برندا ، براخطار حالنده باش قوماندان بوتون نسللره خطاب ایدیور .

دوروشنده نهایتسز بر سکون ، ایچنده دینه یه جک فورطنه لر چارپیشان بو هیکل ، تورک ملتته واونک کنجکلنه خطاب ایدیور :

«ای تورک کنجکلکی ! برنجی وظیفه ک ، تورک استقلالنی ، تورک جمهوریتنی الی الابد محافظه و مدافعه ایتمکدر . مملکتک هر گوشه سی بالفعل اشغال ایدلش اولاییلر . مملکتلری داخلنده اقتداره صاحب اولانلر غفلت و ضلالت و حتی خیانت ایچنده بولوناییلرلر . حتی بو اقتدار صاحب لری شخصی منفعتلرینی ، مسئولیلرک سیاسی امللرله توحید ایده بیلیلرلر . ملت فقر و ضرورت ایچنده خراب و بیتاب دوشمش اولاییلر . ائی تورک استقبالنک اولادی ! ایشه بو احوال و شرائط ایچنده دخی وظیفه ک تورک استقلال و جمهوریتنی قورتارمقدر . محتاج اولدیغک قدرت دامارلرکده کی اصیل قانکده موجوددر ! »

بو یوک تهلکه کونلرنده وطنک هر طرفنده یوکسلن هیکللرینک چوره سنده تورک خلقی طوبلانجق ، اونک غلبه لقلر اوستنده حکمران اولاجق سسی والهامی مملکتی یکیدن شرفه ، ظفره و خلاصه کورتوره جکدر .

آنقره ، ملی مجادله نك مرکزى اولان آنقره ، ملی مجادله تاریخنک آجی ، طائلی هر دقیقه سنی

ایشته (ولاسکز = Velasquez) نامیه بتون جهانده معروف اولان اسپانیالی بیوک صنعتکارک بوکون مادرید شهرنده کائن (پرادو = Prado) موزه سنده محفوظ بولنان و (بره دا) نك تسلیمی عنوانی حائر اولوب اسپانیولرجه (مزاراقلر = Las Lanzas) تسمیه ایدلش اولان مشهور تابلوسی ، عنعنه ایله علاقه سنی قطع ایتکه باشلامش و عسکری حیاتک مناقبتدن برینی ده حقیقی بر صورتده شرح و تفسیر ایلکده بولنش اولان ایلک محاربه صحنه سیدر .

(ولاسکز) فطره خالص و دوغری بر آریتسدر . بتون تابلولری هم طبیعته کی اشیانک تقلیدنده کی صحت ، هم ده موضوعک ترکیب و اراشه سنده کی حقیقت اعتباریله دقتی جالبدر .

(بره دا) ، هولاندانک جنوب حدودی یقیننده کائن برشهردر . تقریباً برسته سورمش اولان اوزون بر محاصره دن صوکره نهایت اسپانیانک خدمتده بولنان و عن اصل جنوه لی اولان مارکی (سپینولا = Spinola) یه ۱۶۲۵ سنه سی جزیرانک ایکنجی کونی تسلیم اولش ایدی .

(ولاسکز) بو حادثه حقنده اک طوغری معلوماتی استحصال ایله بیلمش و فقط آنجق یکرمی سنه صوکره بو معلوماتدن استفاده ایده بیلمش ایدی . باقیکز فصل :

اسپانیا سرای قرالیسنه کنج یاشنده انتساب ایتش و (پورتره) یعنی انسان تصویری یا بقمده کی هنرندن دولایی قرال دردنجی (فیلیپ) کده پک زیاده تقدیر و نوجه نه نائل اولش اولان (ولاسکز) ، اک بیوک استادلرک آثارینی تدقیق ایتک و کندی صنعتنده تکمیل ایلک اوزره ایتالیا یه کیتکه مآذونیت استحصال ایتش ایدی . ۱۶۲۹ سنه سی آغستوسنک اوننده (بارسلونه) ده برقادیر غایبه بپندی . بونک بولجیلری میاننده (بره دا) نك محاصره سیله شهرت قازانمش اولان سالف الدکر (سپینولا) دخی و ارایدی .

ولاسکز ، او هنکامده پک اوزون - سورن یورجی برسیاحت ائاسنده کی بوش و قتلردن استفاده ایدرک بو بیوک مظفرینک حکایه سنی بالذات غالب جزاک آغزندن دیکلدی و الطبع بونی تصویره ایدن ای قرار و بردی .


لکن جنرال (سپینولا) برقاچ آئی صوکره کوزدن دوشدی ، و جان صوکره ده ایتلاده ئولدی . شو حالده زمان بوبله بو تصویری وجوده کتیرمه پک ده مساعد

قی بحشد

آتوملری کورمه من

مکانخیر ؟

خرده بینک کشفیه بوتون بر مقروب وجره کاشانی کشف ایدیلشدی . فن بوبوک بر حمله ایله ایلری به آتیلارق انسانلری یوزلرجه خسته لادن قورتاردی . اگر خرده بین ذره لری و آتوملری کوره جک قادر قوتلی یاییسه بوتون کیمیا و قدرت عالمی بزه اسرارانکیز قاپیلرینی آچاجق وانسانلر



نجف طاشنک آتوملرله ایقن شعاعنک تراصل و نظاری

بو فردوسدن سعادتلر ماویلا یا جمیدی؟ عجب خرده بین بچون بر حده قادر بو بوتیورده اوندن صوکر بو بوتیور؟ بو ظالم سوآلی هر متفنن کندیسنه بیکارجه دفعه صورمشدر . [قارلریمه شیمیدین تیشیر ایدیم که بو سوآلک جوابی صوک فن عالمنده تماماً و برلشدر وحتی بونک امکان ساحه سنه چیقارلمسنگده اوزاق اولمادینی کورولور . شیمیدین ایقن شعاعیله آتوملرک فضا ده کی وضعیترینی و بربرلرینه اولان مسافه لرینی بالتجربه اولچمک ممکندر . پدر واوغل براغلر (انکلیز پروفورلرندن) بو یوله فنه هرکون یک بوبوک هدیه لر و بریورلر . بواصول ایله مختلف جسملرک بلورلری ناصل یاییلمش اولدیغنی رسملر مزده کوستریوروز . [بو خصوصه ده کی تفصیلاتی کله جک مقاله مزه ترک ایله شیمیدیلک مسئله یی اساسندن مطالعه ایدم .]

آتوملرک بوبوک کلری : بو عالمک واحد قیاسیسی آنفسترومدر . یعنی بر سانتیمتره نیک میلیارده بریدر . بوبوبوک کلکده اولان برجسک خیالی مثلاً بر سانتیمتره یاییق ایچون خرده بینمک اولا بر میلیار دفعه بوبوبوسی لازمدر . ایکنجیسی : هر آتومک متادی حرکتده اولدیغنه کوره ثابت و یا تماماً مربوط اولانه باقی لازمدر . اوچنجیسی : خرده بینده «تکرر ضیا» «تکاسر ضیا» حادثه لرندن دولایی خیالک شکلنک

بالون (Paulo Ballon) کی بیوک ذاتلر فرق و تشخیص اولنه بیلیور . فقط تابلونک صاغ قسمنده عادتاً برجیت تشکیل ایدمک کی مزاراقلرینی هوا به قالدیرمش بولنان معینی افرادینک قسم اعظمی هر حالده اوروپانک دوت کوشه سندن طویلانیلمش و یاغما کر لکله برده ایچمه باره به طمع ایتش سرسریلردن مرکب اولسه کرکدر . حتی صول طرفده (ژوستن دو ناصو) نک رفاقتنده بولنان باشی آجیق دلیقانلیلرک کذلک بیوک بر قسمی دخی - هر نه قدر هولاندالیرجه بوجادله ملی بر ماهیتی حائر ایدی ایسه ده - یینه انکلیز واسفوجیالی اجر تیلردن و ملتجی فرانسز huguenots یعنی پروتستانلردن متشکلدر . فی الحقیقه هولاندا ، اجر تله طوتدیغی عسکره ابی پاره ویرمک و اونلری ابی بسلمک و تلفاتدن اجتناباً اونلره آیلرجه و حتی سنه لرجه امتداد ایدن بطی و عالمانه محاصره لردن عبارت بر حربی تخمیل ایلمک ایله شهرت بولش ایدی . واقعا بونوع حربده صبر و متانت لازم ایسه ده بونده ده اآز آدم تلف اولور ایدی .

الک بیوک جنکجوایسه آلمانیا ده (والنشتاین) ایدی . بو ذات عسکرینی هیچ قوروماز ایدی ، اوله اولقله برابر یینه اسکی عسکرلرک و محاربه آدملرینک کافه سی کیدوب کندیلرینی اوکا ساتارلر ایدی ، حتی اونلری هولاندا ده کی خدمت لرینی ترکه راضی ایتمکده مومی ایله موفق اولور ایدی . بوقیل عسکرلرک قوماندانلرینه کلنجه بونلرک وطن مدافعی اولقندن زیاده جنک وجدال آدمی صفیله حرکت ایتش اولدقلرینه تعجب ایدلز ، چونکه مدافعه ایتدکلری اکثریا کندی وطنلری دکل ایدی . ذاتاً اوزمانلرده وطن فکری اوقدر ضعیف و اودرجه مفقود ایدی که فرانسز قوماندانلرندن پرنس (قونده = Condé) بیله بر آره لقی اسپانیالیلرله اتفاق ایدرک کندی قرانه قارشی حرب ایتمکدن چکیمه مش ایدی . ایسته بتون بواحوال دولایسیله درکه تابلومزده کی ملاقاتک شکل و ماهیتی و مغلوب طرفندن شهرک آناختارلرینک طرز تسلیمی ایله غالب طرفندن دخی او آناختارلرک صورت اخذی اوزمان ایچون یک طبیعی کوریلور . ذاتاً (سپینولا) ، برزره طاشمقده درکه بوده (شوالیه) لک دورینک هنوز یک اوزاق اولمادیفنه و مذکور دورک غایه سی ایله اعتیاد اتندن حالا بر اثر قالمش اولدیغنه دلالت ایدر .

غریبدرکه (ولاسکز) بوشاه اثری (بره دا) نک هولاندالیر طرفندن استردادندن اون سنه صوکره نقش ایتشد . (سپینولا) ، غالبیترک فرداسی و بخت و طالعکده تحولی حقنده اوزون اوزادی به اعمال فکر ایتش اوله جق که بو حکمت و فلسفه عادتاً اونک شبهه و ترددی ایما ایدر بر اداده اولان نکته لی چهره سنده اوقونه بیلیور .

(ولاسکز) ک الک مهم واک کوزل ترکیاتندن اولان «بره دانک تسلیمی» لوحه سی بو صنعتکارک مادریده واصلتندن بری اثر دن اثره کیتدکجه تقویت بولش اولان مزینتی یعنی رنگشاسلرک الک معتدلی و نظام و آهنککده استادی اولدیغنی تمامیه اثبات ایلشد .

و صیر

دکلدی ، زیر اقرارک سراینه منسوب بر رسم سراجیه یک حسن نظرده اولیان بر جنرالک غالبیتی البته تصویر ایدمزدی . (ولاسکز) بالضروره بر قاق سنه بکلدی . آنجق یکرمی سنه صوکره درکه اسپانیا اردولری ایچون شان و شرفی موجب اولش اولان تاریخی بروقه یی ارانه به تثبیت ایدمیلدی . اثرنده صانکه بو حادثه ده کندیسى بالذات حاضر بولنش و هر شیشی رأی العین کورمش قدر صحت و حقیقت واردر . بوندن ماعدا بر محاربه صحنه سنی ده معتاد اولان عادیلکله و مبالغه لره مراجعت ایتمکسزین غایت ساده بر صورتده تصویره جسارت ایتشد .

تابلوی تدقیق ایدم :

یشلمسی ، مائیسى ، یالیزلی ، کنیش بر قیر منظره سی ؛ یاغنده اولان قصبه لردن چیقان دو مان بولولطری آره سنده اوزاقده (بره دا) شهری فرق اولتیور . اوک صره ده (بره دا) نک والیسی اولان مغلوب جنرال (ژوستن دو ناصو = Justin de Nassau) ، خصمی اولان اسپانیالی جنرال مارکی (سپینولا) به شهرک آناختارلرینی کتیروب تسلیم ایدیور . ابکی قوماندان آتزلندن بره اینه رک بربرینه یا قلاشورلر . (سپینولا) نک کیریسنده غالبلر : باشلری آجیق ، سیالری دوشونجه لی ، طوزلری احترامکار ضابطلردن مرکب ارکان حربیه هیئتى ؛ بونلرک قارشیسنده وصول طرفده بایراقلر و (موسکه = mousquet) ذیلن تفنگلر و مزاراقلر طاشیان عبا سرپوشلی عسکرلر . ینه صاغ طرفده (سپینولا) نک آتی : صاغریسی ذیقیت بر قوماش کی بارلایان بو قویو آل آت ، تابلونک عرضنک همانده ثلثی اشغال ایدیور . آنک یانی باشنده - غالباً اونک باشلغندن طوتغنده اولان و البه سی قورشونی رنگده بولنان - شایقه لی بر ضابط طور بیور . وقار و ذکا علائیک بارلامقده اولدینی چهره سنه باقیلورسه (ولاسکز) ک بالذات کندیسى اولدینی درحال آکلاشیور . تابلونک صول قسمنده و مغلوب قوماندانک کیریسنده ایسه بایراق و حربیه لر طاشیان و قبالبه لی و متین و شجیع طورلی برزمه تشکیل ایدن هولاندالیر طور بیور . بوتا بلونک باشلیجه ابکی شخصیتده یعنی غالب ایله مغلوب جنرالرده طور و وضعیت مثل و نظیری اولیان بر مکملیت و نزاکتله ادا ایدلشد .

باقیکز شولوحه ده مغلوبه طوغری آیلیمش والیده اونک اوموزی اوزرینه خیر خواهانه قویه رق مغلوب جنرالی اوزون وجسورانه مدافعه سندن دولایی تبریک ایدن جنرال (سپینولا) ، عادتاً خصمنه دیمک ایتدیور که مغلوب اولقله حیثیت و اعتباره خلل کلز و بوحال بالذات کندینکده باشنه کله بیلیر . بودرجه عالیجناب کورینه و رجوق غالبیتر قزائش اولان (سپینولا) ایسه قیلجینی ، علم و اقتدارینی ، حیاتی و عسکرلرینی الک جوق باره ویرنه نک امرینه مهیا بولندیران بر جنکجو ایدی ، برانسان تاجری ایدی . اطرافنده دوران ارکان حربیه سی واقعا تمامیه اسپانیالیدر . نیه کیم مارکی (لغانهس = Leganès) رنس (آهالت) ، (قولونا = Colonna) (مه دورا = Medura) (قارلوس روما) (باثولو